

g

Broj: 01-11-3679-5/22
Sarajevo, 10.11.2022.godine

15.11.22. 

Na osnovu člana 70. Zakona o javnim nabavkama BiH („Službeni glasnik BiH“ broj: 39/14) i Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, broj 33/21), a na preporuku Komisije za javne nabavke za 2022. godinu imenovane rješenjem broj: 01-11-1393/22 od 04.04.2022. godine i Rješenjem o izmjeni rješenja broj: 05-11-2815/22 od 01.08.2022. godine, Federalno ministarstvo za pitanja boraca i invalida odbrambeno-oslobodilačkog rata, d o n o s i:

O D L U K U

o izboru najpovoljnijeg ponuđača za nabavku servera i UPS za informacijski sistem ISVDV

I

Na osnovu Obavještenja o nabavci broj: 746-1-1-34-3-8/22, objavljenog na Portalu javnih nabavki dana 17.10.2022. godine, otvorenog postupka za dostavljanje ponuda broj: 01-11-3679/22 od 17.10.2022. godine i provedenog postupka za nabavku servera i UPS za informacijski sistem ISVDV, kao najpovoljnija i ocijenjena prihvatljivom je ponuda ponuđača KING ICT d.o.o. Sarajevo čija ukupna cijena ponude utvrđena nakon računске kontrole, iznosi 87.179,49 KM bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora „najniža cijena“.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

IV

Ova odluka objavit će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Otvoreni postupak javne nabavke za dostavu ponuda za nabavku servera i UPS za informacijski sistem ISVDV pokrenut je Odlukom o pokretanju postupka javne nabavke, broj: 01-11-3678/22 od 17.10.2022. godine, sa ukupnom procijenjenom vrijednosti nabavke 87.179,49 KM. Obavještenje o nabavci broj: 746-1-1-34-3-8/22 objavljeno je na portalu javnih nabavki 17.10.2022. godine. Tendersku dokumentaciju preuzelo je 33 ponuđača, a 2 ponuđača su blagovremeno dostavila ponude i to KING ICT d.o.o Sarajevo i IMTEC d.o.o Sarajevo.

Komisija za javne nabavke, izvršila je pregled i ocjenu ponuda, te konstatovala da je jedna dostavljena ponuda prihvatljiva za ugovorni organ, odnosno ispunjava formalno pravne, ekonomske i tehničke uslove, odnosno zahtjeve ugovornog organa i to ponuda ponuđača, KING ICT d.o.o. Sarajevo.

Nadalje je konstatirano da ponuda IMTEC d.o.o Sarajevo nije prihvatljiva za ugovorni organ iz razloga što je Tačkom 7.4.1 TD-Tehnička i profesionalna sposobnost, propisano da kao dokaz tehničke i profesionalne sposobnosti, ponuđači trebaju ispuniti slijedeće minimalne uslove koji se mogu potvrditi sa dokazima iz člana 49. Zakona, a to su uspješno iskustvo u realizaciji najmanje dva ugovora vezana za predmetnu nabavku u prethodne dvije godine čija ukupna vrijednost ne smije biti manja od 87.179,49 KM.

Kao dokaz ispunjavanja postavljenog uvjeta iz tačke 7.4.1 zatražen je Spisak izvršenih ugovora o isporuci robe koja je predmet nabavke u posljednje dvije godine (2020 i 2021. godina) ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine.

Uz spisak izvršenih ugovora ponuđač je bio dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede.

Uvidom u dostavljenu ponudu ponuđača IMTEC d.o.o Sarajevo a vezujući se za citiranu tačku 7.4.1, konstatirano je da je isti kao dokaz ispunjavanja postavljenih uslova dostavio „Referent listu“ od 04.11.2022. godine, u kojoj je navedena nabavka, isporuka, montaža i konfiguracija servera i SAN-storage-a, dana 16.02.2022. godine u vrijednosti ugovorene isporuke 40.150,00 KM Islamskoj zajednici u BiH, nabavka i isporuka servera i prateće opreme, dana 26.09.2022. godine u vrijednosti ugovorene isporuke 22.079,00 KM Fondaciji Alija Izetbegović, nabavka isporuke, instalacije i puštanja u rad servera i mrežne opreme, dana 31.05.2021. godine, u vrijednosti ugovorene isporuke 20.103,71 KM Zeničkoj razvojnoj agenciji ZEDA d.o.o Zenica te nabavka i isporuka servera, dana 29.09.2021. godine, u vrijednosti ugovorene isporuke 7.181, 00 KM, ITD-u d.o.o Sarajevo.

U prilogu Referent liste, dostavljene potvrde: Islamske zajednice u BiH o izvršenoj isporuci broj: 01-AD-196/22 od 14.03.2022. godine, kojom se potvrđuju navodi iz Referent liste, potvrda Fondacije „Alija Izetbegović“ od 11.10.2022. godine, kojom se potvrđuju navodi iz Referent liste, potvrda Zeničke razvojne agencije ZEDA d.o.o Zenica, broj: 03-1-45-465/21 od 08.06.2021. godine, kojom se potvrđuju navodi iz Referent liste i potvrda ITD d.o.o Sarajevo od 16.08.2022. godine, kojom se potvrđuju navodi iz Referent liste.

Slijedom navedenoga, Ugovorni organ konstatira da ponuđač IMTEC d.o.o Sarajevo nije dokazao urednu isporuku robe koja je predmet nabavke u prethodne dvije godine (2020. i 2021. godina), kao godine koje su decidno propisane TD, obzirom da je Referent listom kao i popratnim potvrdama dokazana isporuka u 2021. godini što je zatraženo TD i 2022. godini, što za Ugovorni organ nema značaj u kontekstu ispunjavanja uslova, kada je jasno naznačeno da se radi o dvije „prethodne“ godine u odnosu na godinu eventualnog ugovaranja. Ugovorni organ je cijenio validnost zatraženih potvrda dostavljenih za 2021. godinu izdate od Zeničke razvojne agencije ZEDA d.o.o Zenica i ITD-u d.o.o Sarajevo, te konstatirao da nije dokazan propisani uslov „uspješno iskustvo u realizaciji najmanje dva ugovora vezana za predmetnu nabavku u prethodne dvije godine čija ukupna vrijednost ne smije biti manja od 87.179,49 KM“, obzirom da je ukupan iznos ugovorenih isporuka za 2021. godinu prema Referent listi i popratnim potvrdama bio 27.284,71 KM, što je ispod vrijednosti od 87.179,49 KM.

Obzirom da je tenderskom dokumentacijom i obavještenjem o nabavci broj: 746-1-1-34-3-8/22 koje je objavljeno na e portalu javnih nabavki dana 17.10.2022. godine bila predviđena e-aukcija, a uzimajući u obzir činjenicu da je samo jedna prihvatljiva ponuda i to ponuda ponuđača KING ICT d.o.o Sarajevo, u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj:66/16) e aukcija se ne može zakazati.

Polazeći od gore navedenih konstatacija i činjenice da prihvatljiva ponuda u tehničkom i ekonomskom smislu ispunjava zahtjeve ugovornog organa, Komisija je pristupila računskoj kontroli iskazanih cijena u tehničkoj specifikaciji, te vrednovanju prihvatljive ponude shodno utvrđenom kriteriju: „najniža cijena“, nakon čega je sačinila i dostavila ovlaštenom licu Ugovornog organa Zapisnik o pregledu i ocjeni ponuda broj: 01-11-3679-4/22 od 09.11.2022. godine sa preporukom o izboru najpovoljnijeg ponuđača KING ICT d.o.o. SARAJEVO, sa registrovanim sjedištem u ulici Aleja Bosne Srebrene broj 34, 71 000 Sarajevo, ID: 4201150250005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda shodno kriterijima iz tenderske dokumentacije, da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14) i podzakonskim aktima, odlučeno je kao u dispozitivu odluke.

POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku. Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.



Dostavljeno:

1. Ponuđačima 2 x
2. U spise
3. Arhiva